



**Broj: 01-201/19**  
**Vareš, 31.10. 2019. godine**

**Z A P I S N I K**  
**sa 30. sjednice Općinskog vijeća Vareš,**  
**održane 30.09. 2019. godine**

Predsjedavajući OV pozdravio je sve prisutne.

Izvršena je prozivka vijećnika.

**Prisutni vijećnici:** Mirnes Ajanović, Adis Čizmo, , Ilhana Fatić, Nermin Hrvat, Emir Islamović, Kenan Kamenjaš, Demo Kevrić, Lidija Miletović Berberović , Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

**Odsutni:** Dženan Džafo i Fadila Turki.

Adis Čizmo – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 30. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, tajnik Općinskog vijeća – gosp. Leon Pavlović, rukovodilac JURA-e – gosp. Rusmir Berberović, pomoćnik načelnika – gosp. Ermin Musa, ispred Radne grupe za izradu LAP-a – gosp. Dženana Bešić Junuzović, gosp. Ilijana Vidović i gosp. Dženana Aščerija Čabrajčić, predsjednici političkih partija i predstavnici medija.

Tajnik OV Leon Pavlović izvijestio je Vijeće o odgovorima na postavljena vijećnička pitanja sa 29. sjednice OV održane 30.07.2019. godine. Na 29. sjednici donesen je jedan (1) zaključak . Postavljeno je osam (8) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Općinski načelnik Zdravko Marošević za današnju sjednicu u svom obraćanju o aktualnim pitanjima Vijeće je izvijestio da u proteklom periodu nije bilo nekih značajnih dešavanja. Upoznao je prisutne da je najavljena zvanična posjeta premijera Vlade ZDK Općini Vareš sa naznakom upoznavanja sa aktuelnom situacijom naše općine i obilaska nastalog rudnika u vlasništvu firme Eastern Mining d.o.o. Sarajevo. Određeni projekti su odobreni - rekonstrukcija puta kroz Pogar u visini od 100.000 KM i projekat za poslovne zone u visini od 120.000 KM.

## *(Vijećnička pitanja)*

### **Kruno Ridić**

1. Ima li interesa da zemljište u Maloj Rijeci vrati se Općini Vareš? (dao je pojašnjenje).
2. Možemo li putem Općinskog pravobranioca vidjeti kako je išao privatizacijski ugovor i šta su obaveze vlasnika koji je kupio Livnicu u Vareš Majdanu? (dao je pojašnjenje).

### **Elvir Rožajac**

3. Kakva je sigurnosna situacija na području općine Vareš poslije zadnjih nemilih događaja? (dao je pojašnjenje).
4. Traži pojašnjenje u vezi punionice vode koja je u sklopu JKP d.o.o. Vareš, da li se može u budućnosti očekivati smanjenje cijene vode? (dao je pojašnjenje).

### **Safeta Mufić**

#### **Uz izneseno pojašnjenje vijećnica je podnijela Inicijativu:**

- da Općinsko Vijeće donese Odluku da Društvena svojina Samoupravna interesna zajednica kao nositelj prava odnosno posjednik Upravne zgrade "Parcele Socijalno" više ne postoji, a da postoji Zavod zdravstvenog osiguranja ZDK.

S obzirom da SIZ-ovi više ne postoje i da Ured za harmonizaciju neće još dugo raditi, predložila je i proširenje Inicijative u smislu da Općinsko vijeće Vareš donese i sveobuhvatnu odluku da SIZ-ovi više ne uopće postoje, u slučaju da se pojave još neka pravna lica kao nasljednici ovih dobara.

5. U vezi predstavke MZ Dragovići uputila je pitanje: Može li OV donijeti Zaključak da se oformi jedna Komisija sa članovima iz svake političke partije koja djeluje u Općinskom vijeću i da se u MZ Dragovići zakaže jedan sastanak, da se vidi činjenično stanje u vezi aktuelne problematike u MZ? (dala je pojašnjenje).

Predsjedavajući OV je izjavio da će Općinsko vijeće u skladu sa članom 104. i 105. Poslovnika o radu OV Inicijativu uputiti prema Općinskom načelniku i Općinskim službama da se očituju o opravdanosti i zakonitosti i onda će se nakon toga vidjeti šta dalje.

### **Nedžad Mušanović**

6. Na putu od Šiminog potoka do Ravni pa sve do granice sa KS pojavile su se udarne rupe i par ulegnuća, a već duži vremenski period nije izvršena nikakva sanacija. Da li postoji mogućnost da se zakrpe ove rupe? (dao pojašnjenje)

## Mirnes Ajanović

7. U ime sugrađana Imamagić Dževada i Imamagić Suvada traži odgovor na pitanja:
  - „ 1. Vlasništvo (dokaz ZK izvadak), odnosno vlasništvo uknjiženo u posjed društvene svojine oduzeto suvlasništvo uknjiženo u A listu ZK privatnom licu (dokaz izvadak) –Traži se odgovor na osnovu kog akta, propisa, zakona. Uredbi. Odluke i slično je uknjiženo?
  2. Nekategorisani putevi javno dobro društvena svojina prekategorisano je i uknjiženo u posjed vlasništvo privatnom licu – na osnovu kog akta i propisa?
  3. Zahtjev je upućen Službi za prostorno uređenje i obnovu – Ermin Musa nije nikada odgovorio a zakonski rok je 30 dana
  4. Na sve gore iznesene činjenice nismo dobili nikakav odgovor u vidu rješenja odluke ili slično da primimo k znanju.“

Traži da se o predmetnom aktu očituje Služba za prostorno uređenje i obnovu i pomoćnik načelnika Ermin Musa, te da se Imamagić Dževad i Imamagić Suvad upoznaju sa ishodom preduzetih radnji i aktivnosti u skladu sa zakonskim propisima?

## Branko Romić

8. Kakvo je sigurnosno stanje Općine Vareš, vršioca dužnosti praćenja problematičnih lica od strane PS Vareš. Kako PS nadležnima tretira problematična lica?(dao je pojašnjenje)
9. Na koji način možemo dobiti informacije koliko je građana u zadnja dva mjeseca napustilo općinu Vareš?(dao je pojašnjenje)

Općinski načelnik dao je usmene odgovore na postavljena vijećnička pitanja na samoj sjednici.

Upoznao je Vijeće o posjeti vijećnici Fadili Turki i ispred OV poželio joj brz oporavak.

Predsjedavajući OV stavio je na raspravu Zapisnik sa 29. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa **29.** sjednice OV i nakon izjašnjavanja vijećnika konstatira da je **jednoglasno sa (16 glasova „ZA“)** (odsutan vijećnik Igor Šimić) **usvojen Zapisnik sa 29. sjednice OV.**

Predsjedavajući OV stavio je na raspravu prijedlog dnevnog reda za 30. sjednicu OV koji je usuglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjavanje prijedlog dnevnog reda 30. sjednice OV.

Nakon izjašnjavanja predsjedavajući OV konstatira da je **jednoglasno sa (16 glasova „ZA“)** (odsutan vijećnik Igor Šimić) **usvojen sljedeći**

## *Dnevni red*

1. Prijedlog Odluke o usvajanju Lokalnog akcionog plana (LAP) za jačanje mehanizma zaštite i osnaživanja djece u Općini Vareš 2019-2021. godina.  
Izjavitelj: Općinski načelnik.
2. Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.  
Izjavitelj: Ermin Musa.
3. Informacija o stanju u oblasti prijevoza u lokalnom i međugradskom saobraćaju na području općine Vareš.  
Izjavitelj: Općinski načelnik.
4. Informacija o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R444a Vareš-Bobovac-Kraljeva Sutjeska.  
Izjavitelj: Ermin Musa.
5. Informacija o stanju lokalne i regionalne putne mreže na području općine Vareš.  
Izjavitelj: Ermin Musa.
6. Informacija o aktivnostima Privrednog savjeta Općine Vareš u 2018. godini.  
Izjavitelj: Općinski načelnik.
7. Informacija o stipendiranju i stipendistima općine Vareš u 2018/2019. godini.  
Izjavitelj: Općinski načelnik.
8. Tekuća pitanja.

### **Ad. 1.**

*(Prijedlog Odluke o usvajanju Lokalnog akcionog plana (LAP) za jačanje mehanizma zaštite i osnaživanja djece u Općini Vareš 2019-2021. godina.)*

Komisija za pitanje mladih na 3. sjednici održanoj 25.09.2019. godine **jednoglasno je donijela Zaključke:**

- **Komisija u cijelosti prihvata Prijedlog Odluke o usvajanju Lokalnog plana (LAP) za jačanje mehanizma zaštite i osnaživanja djece u Općini Vareš 2019-2021. godine sa pratećim dokumentom.**
- **Općinski načelnik će kod izrade i predlaganja Budžeta za 2020. godinu, predvidjeti/planirati stavke rashoda „Sredstva za implementaciju LAP-a za jačanje mehanizma zaštite i osnaživanja djece u Općini Vareš“.**

- **Komisija smatra da ovaj LAP po usvajanju od strane Općinskog vijeća, bude dostavljen svim potpisnicima Sporazuma i ostalim pravnim subjektima na koje se odnosi ovaj Plan u cilju realizacije utvrđenih aktivnosti.**

Otvorena je rasprava u kojoj su svoja mišljenja, sugestije i stavove iznijeli vijećnici: Kruno Ridić, Mirnes Ajanović, Safeta Muftić, Elvir Rožajac, Emir Islamović, Mario Mirčić, Branko Romić, Demo Kevrić, predsjedavajući OV Adis Čizmo i Općinski načelnik Zdravko Marošević.

Predstavnica Radne grupe za izradu LAP-a Dženana Bešić Junuzović u svom obraćanju upoznala je prisutne za kronologijom izrade LAP-a i planiranim aktivnostima, dala pojašnjenje na iznesene diskusije vijećnika i zahvalila se svima na prihvatanju dokumenta koji je bio predmet rasprave.

Zaključena je rasprava i predsjedavajući OV stavio je na izjašnjavanje Prijedlog Odluke o usvajanju lokalnog akcionog plana (LAP) za jačanje mehanizma zaštite i osnaživanja djece u Općini Vareš 2019-2021. godine uz Zaključke Komisije za pitanja mladih.

Nakon izjašnjavanja vijećnika predsjedavajući OV konstatira da je **jednoglasno sa (16 glasova „ZA“)** (odsutan vijećnik Igor Šimić) **uz Zaključke Komisije usvojena**

***Odluka o usvajanju lokalnog akcionog plana (LAP)  
za jačanje mehanizma zaštite i osnaživanja djece u Općini Vareš 2019-2021. godine***

**Ad. 2.**

*(Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje minihidroelektrane MHE „Tribija“ na rijeci Tribija u općini Vareš.)*

Ispred predlagača pomoćnik načelnika Ermin Musa dao je dodatno pojašnjenje za ovu tačku dnevnog reda.

Otvorena je rasprava u kojoj su stavove, mišljenja, primjedbe i pitanja iznijeli vijećnici: Elvir Rožajac, Kruno Ridić, Mirnes Ajanović, Branko Romić, Safeta Muftić, Emir Islamović, Demo Kevrić, Mario Mirčić, *Elvir Rožajac (replika), Branko Romić (replika), Kruno Ridić (replika), Mario Mirčić (replika), Mirnes Ajanović (replika), Elvir Rožajac (replika)* i predsjedavajući OV Adis Čizmo (skrenuo pažnju da se ne prozivaju osobe/investitori).

Općinski načelnik u svom obraćanju iznio je svoje mišljenje u vezi ove tačke dnevnog reda i diskusije vijećnika o istoj. Skrenuo je pažnju na eventualna prava investitora i mogućim posljedicama koje bi Općina mogla imati, u slučaju nedavanja saglasnosti, jer je Općina 2015. godine istom dala suglasnost i time investitora uvela u daljnju proceduru (izrada elaborata, dobivanje urbanističke saglasnosti i slično). Zakonska obaveza i dužnost Načelnika je slijediti sve obaveze koje je Općina stvorila i potpisala.

Predsjedavajući OV na traženje pojedinih vijećnika dao je stanku u trajanju od 15 minuta u vezi konsultacija prije izglasavanja.

Nastavljeno je sa radom sjednice.

Predsjedavajući OV je predložio i stavio na izjašnjanje sljedeći

### **Zaključak**

Vijeće je u skladu sa člankom 83. stavak 3. Poslovnika o radu OV odgodilo izjašnjanje po točki 2. Prijedlog Zaključka o davanju saglasnosti na stručne ocjene o mogućnosti odobravanja planirane promjene u prostoru, odnosno mogućnosti izgradnje MHE „Tribija“ na rijeci Tribija u općini Vareš, predsjedavajući nije zaključio pretres, s tim da općinske službe i Općinski načelnik do naredne sjednice Kolegiju OV dostave točne podatke i informaciju po pitanju negativnog izjašnjanja OV u vezi ove tačke dnevnog reda.

Nakon izjašnjanja vijećnika predsjedavajući OV konstatira da je sa **14 glasova „ZA“, 1 glasom „PROTIV“ i 1 „SUZDRŽANIM“ glasom** (odsutan vijećnik Igor Šimić) usvojen predloženi Zaključak i odgođeno izjašnjanje po ovoj točki dnevnog reda.

### **Ad.3.**

*(Informacija o stanju u oblasti prijevoza u lokalnom i međugradskom saobraćaju na području općine Vareš.)*

Predlagač nije imao dodatno pojašnjenje za ovu točku dnevnog reda.

Otvorena je raspravu u kojoj su svoje stavove, mišljenja i prijedloge iznijeli vijećnici: Mirnes Ajanović (*predložio da OV donese zaključak da se uputi dopis prema kantonu i traži se njihovo mišljenje i način rješavanja problema vezano za autobusku liniju na relaciji Vareš-Zenica*), Nedžad Mušanović, Kruno Riđić, Safeta Muftić (*predložila je da firma Šimić Prom preuzme ugovoreni prijevoz na relaciji Vareš-Vareš Majdan ako postoji pravna mogućnost*), Elvir Rožajac, Branko Romić, predsjedavajući OV Adis Čizmo, zamjenik predsjedavajućeg OV Nikola Šimić (*izjavio je da Šimić Prom nema potrebnu A licencu da bi mogao obavljati linijski prevoz na relaciji Vareš –Vareš Majdan, predložio je da se za srednjoškolsku djecu osiguraju sredstva u budžetu za plaćanje prijevoza u cijelom iznosu*) i Đemo Kevrić.

Općinski načelnik u svom obraćanju iznio je svoje mišljenje u vezi problema vezano za linijski i međugradski prijevoz i izjavio da Ljaljić Tours ima ugovoreni prijevoz sa nadležnim ministarstvom i da škole zajedno sa roditeljima moraju davati primjedbe i sugestije prema onima koji su nadležni i sa kojima su sklopili ugovore o prijevozu učenika. O istom je dao pojašnjenje. Također je izvijestio Vijeće da će sa iznesenim problemima upoznati premijera Vlade ZDK prilikom najavljene posjete Općini Vareš.

Predsjedavajući OV na osnovu iznesenih prijedloga vijećnika u raspravi predložio je

### **Zaključak**

**Uputiti dopis kantonalnom nadležnom ministarstvu i Vladi ZDK da iznađu mogućnost uvođenja autobuske linije na relaciji Vareš-Zenica.**

Zaključena je rasprava i predsjedavajući OV konstatira da je Vijeće **uz predloženi Zaključak primilo k znanju**

*Informaciju o stanju u oblasti prijevoza u lokalnom i međugradskom saobraćaju na području općine Vareš*

#### **Ad.4.**

*(Informacija o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R444a Vareš-Bobovac-Kraljeva Sutjeska.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Elvir Rožajac (*predložio da se ponovo inzistira (preko naših zastupnica ) prema nadležnim da se put od Šiminog potoka do Nišića proglasi regionalnim putem*) i Općinski načelnik Zdravko Marošević koji je izjavio da je ovo pitanje u nadležnosti Federacije a ne Kantona.

Zaključena je rasprava i predsjedavajući OV uz Zaključak konstatira da je **Vijeće primilo k znanju**

***Informaciju o rekonstrukciji i izgradnji regionalnog puta R-444 Podlugovi-Breza-Vareš-Vijaka-Podkamensko i R444a Vareš-Bobovac-Kraljeva Sutjeska***

#### **Ad.5.**

*(Informacija o stanju lokalne i regionalne putne mreže na području općine Vareš.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije i pitanja iznijeli vijećnici: Kruno Ridić, predsjedavajući Adis Čizmo, Đemo Kevrić (*predložio da se postotak sredstava koji Općina dobije od iskorištavanja šuma usmjere na sanaciju dijela puta prema Striježevu*), Elvir Rožajac, Emir Islamović, Branko Romić i Općinski načelnik Zdravko Marošević koji je dao određena pojašnjenja i odgovore na postavljena pitanja u raspravi.

Zaključena je rasprava i predsjedavajući OV uz Zaključak konstatira da je **Vijeće primilo k znanju**

***Informaciju o stanju lokalne i regionalne putne mreže na području općine Vareš.***

#### **Ad.6.**

*(Informacija o aktivnostima Privrednog savjeta Općine Vareš u 2018. godini.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave i predsjedavajući OV uz Zaključak konstatira da je **Vijeće primilo k znanju**

***Informaciju o aktivnostima Privrednog savjeta Općine Vareš u 2018. godinu.***

#### **Ad.7.**

*(Informacija o stipendiranju i stipendistima općine Vareš u 2018/2019. godini.)*

Predlagач nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Nedžad Mušanović.

Zaključena je rasprava i predsjedavajući OV uz Zaključak konstatira da je **Vijeće primilo k znanju**

***Informaciju o stipendiranju i stipendistima općine Vareš u 2018/2019. godini.***

Predsjedavajući OV dao je stanku u trajanju od 15 minuta.  
Nastavljeno je sa radom sjednice.

#### **Ad.8.**

*(Tekuća pitanja)*

Predsjedavajući OV upoznao je prisutne sa pristiglom poštom:

1. Molba za financijsku pomoć od 16.09.2019. godine, dostavljena od Udruženja „Kluba dizača tegova-Predator“ Vareš.

U raspravi su učestvovali Općinski načelnik Zdravko Marošević i predsjedavajući OV Adis Čizmo. Molba je proslijeđena Općinskom načelniku sa preporukom da se istoj udovolji u skladu sa financijskim mogućnostima Općine Vareš.

2. Dopis MZ Vareš Majdan u vezi rješavanja određenih problema broj: 5-04/19 od 22.08.2019. godine.

Općinski načelnik Zdravko Marošević u svom obraćanju dao je odgovore u vezi navedenih problema koji se odnose na uličnu rasvjetu, gradski prijevoz i uspostavljanje ambulante u MZ Vareš Majdan.

Predsjedavajući OV Adis Čizmo dao je neka pojašnjenja u vezi problema nedostatka ambulante i eventualnim mogućnostima rješavanja tog problema.

Općinski načelnik će u skladu sa svojim mogućnostima pristupiti rješavanja navedenih problema u MZ Vareš Majdan.

3. Dopis u vezi sanacije potpornog zida u ulici Perunska 47. od 29.08.2019. godine, dostavljen od Sanela Cigure iz Vareš Majdana.

Općinski načelnik u svom obraćanju izjavio je da su nadležni iz organa uprave upoznati sa navedenim problemom.

Dopis je proslijeđen Općinskom načelniku i nadležnoj službi na daljnje postupanje, odnosno na rješavanje ovog pitanja u skladu sa mogućnostima.

4. Molba za preispitivanje odluke Vijeća o parkiranju motornih vozila (igralište ispred Osnovne škole), od 09.09.2019. godine dostavljena od Ilhana Klančević, Molba broj: 01-644/19 od 20.08.2019. godine dostavljena od Osnovne škole „Vareš“ i Očitovanje Službe za prostorno uređenje i obnovu u vezi gore navedenih Molbi, broj: 02/3-2161/19 od 30.09.2019. godine.



Nakon rasprave u kojoj su učestvovali predsjedavajući OV Adis Čizmo i Općinski načelnik Zdravko Marošević, zaključeno je da Općinsko vijeće prihvata Očitovanje nadležne Službe i ovlaštenu predlažuću – Općinski načelnik će za narednu sjednicu Vijeća pripremiti izmjene i dopune Odluke o parkiranju motornih vozila.

5. Zapisnik MZ Duboštica u vezi uviđaja komunalno-građevinskog inspektora vezano za uzurpaciju zemljišta, broj: 03/2019 od 10.09.2019. godine.

Općinski načelnik Zdravko Marošević izjavio je da je navedeno pitanje u postupku rješavanja.

6. Predstavka grupe građana MZ Dragovići od 20.09.2019. godine, Očitovanje predsjednika MZ Dragovići broj: 12-09-PR/19 od 23.09.2019. godine i Očitovanje Službe za opću upravu, društvene djelatnosti i BIZ broj: 02/2-680/19 od 23.09.2019. godine.

Nakon rasprave i stavova iznesenih od strane Općinskog načelnika, Vijeće prihvata Očitovanje Službe za opću upravu, društvene djelatnosti i boračko-invalidsku zaštitu, te sugeriše se grupi građana da sve probleme i pitanja rada u MZ rješavaju putem organa Mjesne zajednice i u suradnji sa Općinskim načelnikom i nadležnom službom, a sve u skladu sa Statutom Općine i Mjesne zajednice.

7. Općinski načelnik upoznao je Vijeće sa Zahtjevom za pomoć u troškovima liječenja Mahmutović Fuada iz Breze, radnika JKP d.o.o. Vareš.

Otvorena je rasprava u kojoj su učestvovali: predsjedavajući OV Adis Čizmo, Općinski načelnik Zdravko Marošević i vijećnici Elvir Rožajac (predložio da se jedna novčana naknada za vijećnike uplate za pomoć imenovanog) i Safeta Muftić.

Nakon rasprave i izjašnjavanja vijećnika, predsjedavajući OV konstatira:

1. **Općinsko vijeće Vareš je jednoglasno donijelo Odluku da se novčane naknade za vijećnike Općinskog vijeća Vareš sa jedne sjednice OV uplate kao pomoć u troškovima liječenja MAHMUTOVIĆ FUADA, iz Breze radnika JKP d.o.o. Vareš i da se sredstva uplate na žiro račun imenovanog.**

2. **- Daje se ovlaštenje Općinskom načelniku Općine Vareš da izvrši uplatu novčanih sredstava iz budžeta Općine Vareš za 2019. godinu u iznosu od 5.000,00 KM na ime pomoći u troškovima liječenja MAHMUTOVIĆ FUADA iz Breze, radnika JKP d.o.o. Vareš.**

**-Sredstva iz tačke 1. ovog Zaključka nadležna služba će uplatiti na žiro račun imenovanog, broj: 3385802159171379, s pozivom na broj: 40121393013 UNICREDIT BANKA VAREŠ.**

**-Ovaj Zaključak stupa na snagu danom donošenja.**

Sastavni dio ovog Zapisnika je audio zapis sjednice.

Sjednica je završena u 19,40 sati.

**TAJNIK**

**Leon Pavlović**

**ZAPISNIČAR**

**Azra Pijadžer**

**PREDSJEDAVALAČI  
OPĆINSKOG VIJEĆA**

**Adis Čizmo**